

長沙府志卷之五十

長沙府知府呂肅高纂修

洛陽張雄圖編撰  
寧鄉王文清撰

拾遺志

疑不可傳傳疑斯亂信矣顧天下事往往有正史失載而稗官野史友存其遺事者人耶神耶物耶地耶事耶言耶恍惚離奇不可方物撫之則牛鬼蛇神之談徵之則綠字青書之實司馬子長所謂軼事見於他說者此也故以志拾遺

長沙志志

卷之五十 拾遺

一

第二十八終焉

路史載雲陽氏是爲陽帝蓋處於沙註云沙長沙所謂萬里長沙今茶陵西南十里雲陽山也

夏禹隨山導水功成刻石衡山輿地紀勝云在岫巖峯又傳在衡山縣雲密峯昔有樵者見之宋嘉定初蜀士因樵者引至其所以紙打碑凡七十二字刻之夔門隨亡去後僉憲張季文自長沙得之云是宋嘉定中何致子一摹刻於嶽麓書院者皆蝌蚪文凡七十七字諸家訓釋不同楊升菴與沈太學異者十一

□沈與郎異者二十二字至楊時喬所釋同者厘十

八字且以第三第四第五句爲三字一讀意義全別夫陵谷遞變金石銷沉故昌黎詩云峴嶺出尖神禹碑字青石赤形模奇事嚴跡閔鬼莫窺千搽萬索竟何有森森綠樹猿獠悲則是昌黎曾造其地未見其碑也及南軒晦翁兩先生同遊南嶽探討殆遍竟未聞得碑所在他若歐陽集古錄趙氏金石錄鄭夾漈金石畧亦無此刻則昌黎所云事嚴蹟閔者殆信然矣乃升菴謂得於碧泉老人沈太學告湛甘泉謂得之神人夢授若楊時喬所演猶佶曲類竹書與穆天子傳中語未諧聖經時代荒遠莫質所從卽手跡果

長沙府志

卷之五十

拾遺

二

出神禹蝌蚪之文已與秦篆大異烏可以後人六書彷彿附會之乎法當存其形摹闕其文義爲名山中不洩之秘寧不倍屣嶧山琅琊耶

靖陽沈鑑欲註譯嶽麓禹碑禱於神夢一長人挈古瓶授之其色黃高尺許上方下圓腹外有金環四口旁橫書三字曰某宮造下有篆文如龍蛇草木形寤而忘首一字且起讀碑宛如素識遂譯之與楊升菴所譯僅異數字顧璘爲流傳榻本但篆體奇古皆流水形的係禹刻且楊忱二譯萬里同符尤爲神異通志謂是書爲蝌蚪其出禹手無疑但文義闕之可也

世紀曰周昭王南征濟於漢漢人以膠丹進王王御船至中流膠液解王及祭公俱沒按水經注其地在漢沔間他書以爲湘潭昭山者謬

李衡種橘處在龍陽縣西四十里其洲長二十里謂之汜洲亦稱柑洲非長沙橘洲也長沙橘洲在長沙縣西四五里上多美橘或曰郎今興馬洲馬殷王長沙時改名

水經注口汨水西逕羅縣本羅子國故在襄陽宜城縣西楚文王移此泰立長沙郡因以爲縣謂之羅水汨水又西逕玉笥山湘中記曰屈潭之左有玉笥山

長沙府志

卷之五十

拾遺

三

此福地也汨水又西爲屈潭卽羅淵也屈原懷沙自沉於此故淵潭以屈爲名賈誼史遷皆嘗經此弔之淵北有屈原廟廟前有碑又甄烈湘中記曰屈潭在玉笥山屈平見放棲此作九歌按今湘陰縣郎古子國地汨羅本一水流逕玉笥山匯爲淵而以汨羅江名者亦猶湘江之統稱云其地在今湘陰縣北七十里

史記註云熊湘在長沙益縣歷攷郡縣志無此山云以熊釋始封得名不知熊繹封於周成王時何黃帝時便稱之益縣郎今益陽縣不知山所在水經注曰

縣在□水之陽今無益水疑或資水之殊目云  
瀏陽大圍山中相傳有神馬形體異常紅光閃爍出  
則食禾數畝隱見不常昔人拾得其尾約長七尺餘  
沅湘間多山農家惟植粟且多在岡阜每欲布種先  
伐其林木縱火焚之俟成灰布種於中所收必倍蓋  
古所稱刀耕火種也

茶陵□經云茶陵者所謂陵谷生茶茗焉

洞庭湖神過客祈禱必驗分風送船

潭州谷山出硯石色淡青有紋如亂絲理慢扣之無  
聲發墨有光

長沙府志

卷之五十 拾遺

四

長沙有銅棺山湘中記云程普關公分界於此共鑄  
銅棺爲誓相侵者卽以貯之

洞庭天下大觀騷人墨客搜奇者尤衆如水涵天影  
闢山拔地形高四顧疑無地中流忽有山鳥飛應畏  
墮帆遠却如閒皆見稱於世然莫若孟浩然氣蒸雲  
夢澤波撼岳陽城則洞庭空曠無際氣象雄張如在  
目前至杜子美則又不然吳楚東南拆乾坤日夜浮  
不知少陵胸中吞幾雲夢也

醴陵縣有綠水可以寫字卽儒學泮池遇雨連陰□

□  
□  
□互  
□□

湘鄉縣山顛有石卧生上中凡穴地數尺見青石卽揭去謂之蓋石自青石之下色微青或灰白青重重揭取兩邊石面有魚形類鰕鯽鱗鬣悉如墨描穴深二三丈復見青石謂之載召石之下卽着沙上然選擇數尾如相隨游泳或石紋斑剝處全然藻荇凡百十片中無不可觀大石中魚形反側無序者頗多間有石中兩面如龍形作蜿蜒勢鱗鬣爪甲悉備尤爲奇異土人多作僞以生漆點綴成形但刮取燒之有魚腥氣乃可辨

互見山川

寧鄉縣石產水中或山間斷而出之名龍牙石色稍

長沙府志

卷之五十

拾遺

五

紫潤堪治爲硯亦發墨土人重之

益陽縣左右處處有深潭漁者咸輕舟委浪謠詠相和羅君章所謂其聲綿邈者是也

羅君章湘中記曰湘水出於陽朔則觴爲之舟至洞庭日月若出入於其中也

衡山東南二面臨映湘川自長沙至此七百里中有九背故漁者歌曰帆隨湘轉望衡九面有飛泉望之若幅練在山

麓山東臨湘川西傍原隰息心之士多所萃焉

湘水縣北有空泠岐驚浪雷奔險同三峽

湘川清照五六丈下見底石如樗蒲五色鮮明白沙如霜雪赤崖若朝霞

昭潭山下有寒泉水深不測名曰昭潭諺曰昭潭無底橘洲浮昔人覆舟於此沈其銅甌甌有銘詞後於洞庭湖中得之疑有潛穴相通耳

鵝羊

本作羅洋

山在長沙城北成少卿昇仙地仙壇丹臺在焉七十二福地之一洞陽山在瀏陽縣西北道書二十四洞天唐孫思邈煉丹於此小瀉山在醴陵縣東爲第十三洞天章仙山在醴陵縣東北亦福地之一臧真人得道所

長沙府志

卷之五十

拾遺

六

湘潭界中有寺名方廣每至四月朔日在東壁則照見維揚宮府樓堞居民舍宇物物可數宋方回弟□福清紫微院至三鼓後忽聞院後謹呼交易之聲□如城市皆是浙音達旦而止明日起視皆高山峻□也寺僧云一歲之中凡數次如此人謂之鬼市幽陰之事蓋有非人意所能測者

湘水中有穴名大瀆每春夏江漲皆奔入穴中其聲如雷聞空中有崑崙奴沉水視之但見歷年所沉枝不縱橫其間兩蚌如車輪

益陽縣治東□時見長沙城□人馬形色悉□□□

亭午覽□移晷乃散

洞庭有二穴東南入洞幽邃莫測昔閭閻使令威丈人尋洞秉燭晝夜而行繼七十日不窮而返

寰守記以湘鄉湘潭湘陰爲三湘輿地志云水至永州合瀟湘至衡陽合蒸湘至沅州合沅湘方達洞庭故曰三湘

氣殺佛地名在安化十五都相傳有僧善風水尋龍至此不得其脈遂憤怒以手執鉞拍崖石而死至今尙有拍痕

安化縣雲霄洞中有鬼物土人焚券其中取其金銀長沙府志

卷之五十 拾遺

七

入息借之或會賔多投帖借酒器皆世間漆瓦常用之具其後人多負騙遂不復出

茶陵雲陽山紫薇峯瀑布泉畔有石人長六尺四肢柔潤宛類天成髮長七尺如今之石髮也道士張元同嘗叩之曰汝何人也石人云秦時玉工也昔因小過得罪遂逃此久化爲石

黃陵二女堯子舜妃攷其年歲帝舜陟方時二妃齒已百歲後人詩騷所賦皆以女子待之語多瀆嫚殊爲非禮

屈原五月五日投汨羅楚人哀之至日以竹筒貯□

投水祭之漢建武中長沙區回白日見一士人自稱  
三閭大去謂回曰聞君常見祭但恒爲蛟龍所竊今  
若有惠可以楝葉塞其上綵絲纏之此二物蛟龍所  
憚回依其言今世人作粽并帶楝葉及五色絲皆其  
遺風

容齋隨筆載漢高祖五年以長沙豫章象郡桂林南  
海立番君吳芮爲長沙王十二年以三郡封吳王濞  
而豫章亦在其中又趙佗先有南海後擊并桂林象  
郡則芮所有但長沙一郡耳按芮本秦番陽令故曰  
番君項羽封衡山王都邾邾今黃州地高祖徙封長  
長沙府志

卷之五十 拾遺

八

沙都臨湘一年薨今指郡正廳爲吳王殿謂芮爲王  
時所居

楚志梅賈隨吳芮之國長沙以益陽縣梅林爲家世  
有其地自漢至五代皆稱梅山後爲蠻王扶氏所據  
溪崗環列負險爲寇宋熙寧六年章惇始開梅山爲  
二以下梅山置安化縣屬長沙以上梅山置新化縣  
屬寶慶又徽州祁門縣有梅賈城云郎初封十萬戶  
處

樊噲征西粵駐師南湖港今有拏旗山流水橋有廟  
賈生傳稱長沙卑□又定王封長沙卑□貧國無□



財產定王朝帝張袖小舉以地狹國小稱貧乃益□  
武林桂陽則長沙自漢以來稱爲貧國信矣但長沙  
夙稱雄鎮居衡嶽之麓爲洞庭鄂渚上流地原不早  
而謂爲卑濕者以賈子居長沙西澗寰宇記云有泉  
井水深湧上盛宏之湘州記亦云賈誼井旁有局脚  
石牀延客座以其多水定王宮居長沙地當東澗多  
湧泉至今猶然其餘多爽塏高燥非盡卑濕也  
鵬鳥六月三庚日來賈庭時謂鵬爲南方毒惡以助  
太陽銷鑠萬物人俱避之適來賈庭因作賦焉

漢長沙定王墓及其母唐姬墓各高三丈周迴三  
長沙府志

卷之五十 拾遺

九

里墓高十八丈其間相去三丈  
漢武好仙於湘陰玉笥山頂上置降真壇大遠丹竈  
道士晝夜祈禱天感其誠降白玉笥置壇上帝遣使  
取之至壇則飄風大震卷玉笥去故名

漢武時田父牽赤牛渡江漁人辭以船小難勝田父  
曰但相容於是人牛俱上及半江牛糞於船田父曰  
以此相贈漁人怒其污船以橈撥糞棄水後覺是金  
隨躡之人牛入穴掘之不及今善化有金牛崗  
馬援征交趾屯駐郡城今有廟祀之

□起者後漢時湘中人在鄉□□三日貽□起□□

聞酒氣自云起與天人共飲後任漢陽令逆說豐儉有驗白日判陽夜判陰忽乘雲氣上天不知所在獻帝初平中長沙有人姓桓氏死棺斂月餘其母聞棺中有聲發之遂生占曰至陰爲陽下人爲上人其後曹公由庶士起

三國黃忠故宅今爲長沙衛署其盔甲器械貯比門城樓上明時巡按查驗登報後燬於兵

關公建安中征長沙屯營北門外黃忠降今有祠

諸葛亮隨昭烈至長沙月餘定湖南以上二條正史不載姑仍舊志

魯肅屯兵益陽築城拒漢兵

長沙府志

卷之五十 拾遺

十

姜維駐兵醴陵名其居爲姜嶺下有水名姜灣

蔣琬湘鄉人佐先主罷廣都長夢生首在門流血心惡之費直曰牛首及鼻公字象也見血事分明也君位必當至公尋召爲尙書郎

吳芮塚在長沙縣北郭頒世語云黃初間人發芮塚取木於縣立孫堅廟見芮尸容貌衣服如故吳平後其發塚人於壽春見南蠻校尉吳綱曰君容貌可類長沙王吳芮但君微短耳綱瞿然曰是先祖也自芮卒至塚發四百年至見綱又四十餘年矣

臨淮公荀序字休元母華夫人憐愛異常年十歲□

南陵歸經青草湖時正帆風駛序出望忽落水比得下帆已行數十里洪波淼漫母撫膺遠望少頃見一鰈船頭漁父以楫棹船如飛載序還之云送府君還荀後位至常伯長沙相故云府君也

長沙縣東晉太始元年有神龜皎然白色其形長四五尺出水中巡行岸上因名龜塘下有良田百餘頃晉鎮南劉弘以故刺史王毅子衡陽太守矩爲廣州矩至長沙見一人長大著布单衣持奏岸上矩省奏云京兆杜靈之仍入船共語稱叙希闕矩問京兆何時發答曰朝發矩怪京兆去此數千那得朝發今到長沙府志

卷之五十 拾遺

十一

答曰僕天上京兆去此數萬何止數千乎陶侃鎮長沙德潤門外白鶴觀樓與江外山麓對起山洞有妖蟒夜能吐舌爲橋奮鬣爲仗豎角爲門熠目爲炬其聲能爲八音每歲七月望夜飛瞰樓上羽流以爲天仙接引歲以一人齋沐俟昇其徒相率拜送之侃至期觀之引弓射中其炬郎滅灑血如雨旦跡之巨蟒斃洞中剖其腹皆羽冠人骨今有射蛟臺鄧璨一作琰長沙人文心雕龍云春秋經傳舉例發凡自史漢以下莫有準的至鄧璨晉紀始立條例又撮畧漢魏憲章殷周雖湘州曲學亦畱心典謨及安□

立例乃鄧氏之規焉  
任煥湘州益陽人當蕭綜之奔魏也煥有騅馬乘之  
退走被抄卒傷脚人馬俱疲歇於橋下抄復至煥脚  
痛向馬泣曰騅子我死此矣馬因跪其前脚煥得上  
馬遂免難

文虔郡功曹爲時淋雨廢民業太守憂悒召虔補戶  
曹椽虔素敬上恤民乃奉教齋戒在社三日夜夢白  
頭翁守謂曰爾來何遲虔具白夢守曰昔禹夢青繡  
衣男子稱蒼水使者禹知水脈當通若椽此夢其比  
也明日果大霽咸謂虔誠敬所感

長沙府志

卷之五十

拾遺

十二

紅拂傳奇本唐張說虬髯傳蓋託筆也不然衛公本  
朝將相紅拂旣爲夫人燕公豈不知其姓字而但稱  
紅拂女子乎衛公屯兵長沙固有之醴陵縣因靖興  
寺有衛公祠遂指山上高塚曰紅拂墓甚無稽也胡  
氏筆叢云考史書李百藥常在楊素幕中素愛其才  
百藥竊其侍姬事覺素怒并命斬之及解衣就縛百  
藥體如玉神色不變素遂釋去命爲奩具以姬贈之  
今以百藥爲藥師由虬髯傳誤之也

唐歐陽詢字信本博覽今古官至銀青光祿大夫率  
更冷書則八體盡能筆力勁險高麗愛其書遣使求

焉神堯歎曰不意詢之書名遠播貞觀十五年卒年八十五詢飛白隸行草入妙大篆章草入能歐陽詢書道林之寺碑在潭州道林寺筆力勁險勾勒而成有刻板本又江南廬山多裴休題寺塔諸□雖乏筆力皆真率可愛

歐陽詢子通並工畫稱大小歐陽所摹古法帖爲潭帖潭人無知者禹碣北海碑巍然峙嶽麓皆宋人重刻面北海碑摹手甚佳今冰雪剝落神氣皆脫去古□帖譜系自慶歷長沙帖爲丞相劉沆帥潭日以淳化官帖命錢希白模刻於郡齋者亦稱潭帖又有長長沙府志

卷之五十 拾遺

十三

沙別本私第本新刻本俱稱墨妙蜀人秦子明慕之練兵長沙日買石摹刻僧寶月古法帖十卷載歸傳者絕少不可復覲歐陽通書瘦怯於父常自矜能書必以象牙犀角爲筆管狸毛爲心覆以秋兔毫松烟爲墨末以麝香紙必堅薄白滑者乃書之蓋自重其書薛純陀亦效歐陽草傷於肥鈍亦通之亞也

潭州湘鄉有唐褚河南洗筆池至宋邑令趙必□於池中得一斷碑上刻先生湘潭偶題詩云遠山□□□凝烟爛熳桐花二月天遊遍九衢燈火夜歸來□

掛海棠前詩筆兼紗幾致湮投

湘潭舊志曰褚遂良因爭立武氏左遷潭州都督登陶公山過石塔寺顧瞻長安愀然不樂命易石塔爲唐興據周子楚寶考訂高宗永徽六年乙卯遂良貶潭州順慶二年丁巳再貶桂州旋又貶愛州戊午卒貶所嗣聖元年甲申中宗始立未幾廢爲廬陵王二年遷房州是時去逐良貶潭州之日已三十一年何得遂良時帝在房州耶唐興之名殆出附會云垂拱中太學鄭生曉行渡洛橋見一女蒙袖曰我孤養於兄嫂惡常苦今欲赴水畱哀於此遂同載與居

長沙府志

卷之五十

拾遺

十四

號曰汜人數歲生遊長安一夕謂生曰我湘中蛟宮姊也謫而從君茲滿無以久畱欲爲訣耳相持而泣竟別去

柳毅下第歸至涇陽道遇牧羊婦泣曰妾洞庭君小女嫁涇川次郎爲婢所譖見黜至此敢寄尺牘洞庭之陰有大橘樹擊樹三當有應者毅如其言忽見一叟引至靈虛殿取書以進洞庭君泣曰老夫之罪頃之有赤龍擁一紅粧至郎寄書女也宴□碧霄宮洞庭君弟錢塘君曰涇陽黜婦欲托高義爲媼毅不□□辭去後再娶盧氏郎龍女□或白毅郴州人今郡

人過湖輒投刺於水云

燉煌李鷓開元中爲邵州刺史挈家之任過洞庭因鼻衄血江上爲鼉所舐遂化鷓形本身爲鼉所制繫水際其家奉鼉妖就任數年羅浮道士葉靜能過湖見鷓面縛困頓問得其狀書符巨石上石郎飛去鼉妖方據案判事爲石所壓乃現原形岳州刺史張說具奏以舟送鷓赴任所後舟行者戒無瀝血於水以此故也

唐尙書李翱在潭州席上有舞柘枝者顏色憔悴問之乃韋左司愛姬女李速命更舞衣入與韓夫人相

長沙府志

卷之五十

拾遺

十五

見其言語清楚有冠蓋風遂於賓榻中選士嫁之舒侍郎元輿聞之贈李詩曰湘江舞罷忽成悲便脫羅衫出絳帷誰是蔡邕琴酒客魏公懷舊嫁文姬

舊謂嶽麓初名靈麓稱嶽麓自宋始按唐杜甫有嶽麓道林二寺詩又杜荀鶴詩猿到夜深啼嶽麓韓渥詩借得茅齋嶽麓西而僧人齊己亦有寓居嶽麓詩不自宋始可矩

池州府山石壁有刺史杜牧處士張祜題名旁刊一聯云天下起兵誅董卓長沙子弟最先□此句乃呂溫詩其全篇曰恩驅義感卽風雷誰道直方乏武才

江南有芒草茶陵民採之織履伊周昌題詩縣門口  
茶陵一道好長街兩畔栽柳不栽槐夜後不聞更漏  
鼓只聽鎚芒織草鞵縣官及胥吏怒逐出界

貞元中湘潭尉鄭德璘家居長沙每歲省親過江夏  
多遇老叟鬻菱芡者德璘挈松醪春飲之叟亦不甚  
媿荷有齷賈韋生女美艷夜與鄰舟女知詩者同泊  
鄰舟女聞江中有秀才吟所作拾芙蓉詩取紅牋寫  
之置韋女奩中及旦分舟去德璘舟自江夏歸適與  
韋舟司宿洞庭韋氏於水牕中垂釣德璘窺見之以  
紅綃題詩投之惹其鉤女收得取無所報遂以夜來

長沙府志

卷之五十 拾遺

十六

鄰舟女所寫紅牋投之德璘謂女所製恨無計欸曲  
而韋舟遽張帆先去沒於洞庭德璘聞之悲惋夜爲  
詩弔而投之遂感水神持詣水府府君曰曩有義相  
及不可不曲活此女召主者攜韋氏返魂送德璘舟  
納爲室後德璘調巴陵使人迎韋氏舟至洞庭值逆  
風挽舟韋氏見一老篙工郎水府君也韋氏拜謝府  
君以詩書韋氏巾而去後德璘詳詩意方悟郎昔日  
鬻菱芡老叟歲餘有秀才崔希周投詩卷於德璘內  
有江上夜拾得芙蓉詩因知韋氏所投德璘紅牋詩  
是希周所作耳德璘官至刺史其詩曰織手垂鉤對



水牕紅蕖秋色艷長江既能解佩授交甫更有明珠  
乞一雙韋璘氏投湖面狂風且莫吹浪花初綻月光微沉

潛暗想橫波淚得共鮫人相對垂洞庭風軟荻花秋

新沒青娥細浪愁淚滴白蘋君不見月明江上有輕

鷗二首璘氏昔日江頭菱芡人蒙君數飲松醪春活君

家室以為報珍重長沙鄭德璘水府君題物觸輕舟

心自知風恬煙音靜月光微夜深江上解愁思拾得

紅蕖香惹衣崔希周拾芙蓉詩

湘妃廟與崔渥冥會雜詩萬里同心別九重定知涉

歷此相逢誰人翻向羣峯路不得蒼梧殉玉容崔渥題

長沙府志 卷之五十拾遺 十七

春鳥交交引思濃豈知塵跡拜仙宮鸞歌鳳舞飄珠

翠疑是陽臺一夢中渥感會湘妃席上作鸞輿昔日出蒲關一

去蒼梧更不還若是不留千古恨湘江何事竹猶斑

愁聞黃鳥夜關關瀉汭春來有夢還遺美代移刊勒

絕唯聞畱得淚痕斑湘妃賦方承恩寵醉金杯豈為干

戈驟到來亡國破家皆有恨捧心無語淚蘇臺西施同賦

桃花流水兩堪傷洞口煙波月漸長莫道仙家無別

恨至今垂淚憶劉郎桃源仙賦涇陽平野草初春遙望

家鄉淚滴頻當此不知多小口至今空憶在靈媼洞庭

龍女目斷魂銷正惘然九疑口際路漫漫何人知得

□中恨空有湘江竹萬竿二□妃□廟中題常說仙家事不

同偶陪花月此宵中錦屏銀燭皆堪恨惆悵紗牕向

曉風啓中湘

湘妃詩四首仙一作女題渺渺三湘萬里程淚篁幽石助

芳貞孤雲目斷蒼梧野不得攀龍到玉京碧杜紅蘅

縹緲香冰絲彈月弄夢一作清涼峯巒一一俱相似九

處堪疑九斷腸玉輦金根去不回湘川秋晚楚弦哀

自從泣盡江蘿血夜夜愁風怨雨來少將風月怨平

湖見盡扶桑水到枯相約杏花壇上去畫闌紅子鬪

樽菹

長沙府志 卷之五十 拾遺 十八

鄭僕射愚嘗遊湘中宿於驛樓夜遇女子誦詩頃刻

不見詩云紅樹醉秋色碧溪彈夜弦佳期不可再風

雨杏如年

禮陵王仙觀歌無名氏王喬一去空仙觀白雲至今是

不散星一作苔垣松殿幾千秋一作露幾千壇場月往往笙歌

下天半瀑布西行過石橋東精採根還採苗路逢一作

見忽一人檠藥一作茶椀松一作蓼花夜雨風吹滿自言家

住一作處在東坡白犬相隨邀我過南山一作松問石上有

碁局曾一作能使樵夫一作人爛斧柯

□□長沙人詞學富瞻往應日試萬言科請十書□

皆給筆札口授□書吏不停札首題黃河□三千字  
復爲鳥散餘花□詩二十首未停午已就七千言時  
路巖當軸召之□請候帝巖大怒亟罷萬言科璘杖  
策歸放曠盃酒與李羣玉相遇嶽麓玉待之甚淺因  
與聯句玉破題授之璘不停思至芍藥花開菩薩面  
櫻欄葉散夜叉頭羣玉屈服

安化南嶽廟神唐勇士張忭也有盜夜刳神腹舉刃  
未入神轉首怒目顧盜盜驚怖死吳致堯令邑日神  
語以徙廟吳從之畚土得鐵戟三事

荆州衣冠藪澤每歲解送舉人多不第號曰天荒解

長沙府志

卷之五十 拾遺

十九

劉蛻長沙人以荆解及第號爲破天荒時崔魏公作  
鎮以破天荒錢七十萬資蛻蛻謝畧曰三十年時自  
是人廢一千里外豈曰天荒

唐文宗有疾龍神化白衣老人入內療之遂痊問之  
曰吾潭州道吾龍神也忽不見遂勅建寺賜額封白  
衣爲娑伽老龍王

陳光問長沙人讀書靈巖山年近六旬忽雙鶴無鳴  
於庭友沈彬以爲登雲兆後偕曹松五人登第時□  
五老榜

陳光問天復中歸居□□海□夜□笛□然□□風

意一夕有美婦婆娑入其庭倚笛而歌折旋應節□知其爲妖也吹笛自若曲罷引板與之因進擊焉其婦俛抑而去問從月下遙識其所蚤起訪之則方氏宅也方言其家有老大夜忽傷足犬見問至郎自投不死

彭介湘陰人爲柳州刺史中夜庖厨有燈火介潛窺之則烏衣朱冠者起揖曰某卽竈神時所遣責者饑餓無主之鬼竊食耳公能春秋臨水祭之無王者之骨擇土掩之爲德不細公之見吾當有微恙急服牛黃以生犀致鼻中卽無患公歸如其言乃祭餓鬼於

長沙府志

卷之五十

拾遺

二十

水濱葬遺骨於高原公旣沒柩歸長沙空中聞泣聲何涓爲瀟湘賦天下傳之同時潘緯以古鏡詩著名或曰潘緯十年吟古鏡何涓一夕賦瀟湘

王鏐爲辛京杲下偏裨杲帥長沙時甚易之一日擊毬馳逐旣酣鏐仰天呵氣高數丈若白練上衝杲語妻曰此極貴相遂以女弟配之鏐終爲將相

江季共說杜甫贈李龜年詩非甫所作蓋岐王死時與崔滌死時年尚幼又甫天寶亂後未嘗至江南范□雲溪友議言明皇幸岷山伶官奔走李龜年奔□江潭甫以詩贈龜年云云又云龜年曾於湘中採□

使筵上唱紅豆生南國秋來發幾枝贈君多採擷此物最相思歌闋莫不望行在而慘然時甫正在湘潭或有此詩

柳歸舜至君山忽見鸚鵡羣集皆能人言各相稱呼故有武遊郎武仙郎阿蘇兒者又有自在先生踏蓮露鳳凰臺戴蟬兒多花子亦有能歌者音調清麗鸚鵡見歸舜忽呼曰阿春看客忽一青衣乘雲而下相見

齊己潭州人與貫休並有聲同師石霜二僧唐之尤晚者已詩如夜過秋竹寺醉打老僧門最佳

長沙府志

卷之五十

拾遺

二十一

智永嘗作瀟湘夜雨圖上邵西山西山郎題云嘗扁舟湘水西蓬牕剪燭數歸期偶因勝士揮毫處卻憶當年夜雨時西山旣味詩問永云前輩曾有此詩否永因誦義山問歸篇西山矍然亟取詩以歸翼日乃復改與之曾擬扁舟湘水夜雨牕聽雨數歸期歸來偶對高人書卻憶當年夜雨時

進士沈堯作洞庭賦韋岫謂朝賢曰此賦乃一片宮商也後辟爲閩從事

□爲雪城唐時洞庭前忽現一島有城如□圍之湖□人約百餘登其上漸窄狹中間不過數丈衆人甚

□有一湘媪善法術飛劍斬之霹靂一聲城遂崩乃一鼉長千餘丈有道士識湘媪乃劉綱妻樊夫人也唐會昌五年勅令鑄錢所各加本郡縣號名爲昔文湖南曰潭

唐末劉建峯定長沙遣馬殷領衆浚城得碣石碣有古篆十八其文曰龍舉頭猱掉尾羊爲兄猴作弟羊歸穴猴離次解者以殷乾寧三年丙辰代立乃龍舉頭至乾佑辛亥國亡乃猱掉尾殷子希範己未生以開建丁未薨乃羊歸穴子希崇壬申生後爲江南所俘乃猴離次也

長沙府志

卷之五十

拾遺

二十二

沈彬高安人吳先主授以秘書郎居湘江有詩云數家漁網疎烟外一片斜陽細雨中

馬希振亦殷之子清泰中卒葬縣之陶浦掘得石碣文曰亂世之驤絕世之崗谷變庚戌馬氏無王蓋馬氏諸王雖於周順廣辛亥歲遷江南然其國之變實在庚戌

歐陽彬在湖南馬氏不用落魄街市歌人瑞卿慕其才延於家一日西蜀圖綱歸瑞卿以家財資彬隨□入蜀獻獨鯉朝天賦蜀主大悅授官至尙書左丞

劉世言爲馬氏宿將節度朗州號劉□牙馬氏將□

章惇開梅山卽今安化縣五寨自宋熙寧至今無□  
□患亦秦之長城也不然長沙之害豈減於廣西□  
獐乎史無特書以章惇爲小人故也但其善處亦不  
可掩

熙寧間章惇開梅山兵抵寧鄉入瀉山由徑路進兵  
失利遺軍瀉山密印禪寺餽餉缺乏寺爲供應惇遣  
人入耑招諭不從獐人篤信佛法乃遣長老穎詮三  
人入耑說之穎詮攜營中二官先入見獐主給以從  
者獐一見遽曰此官人也穎詮曰主眼高認之不差  
此官人之子乃使供茶失手因而故掌之二官作惶  
長沙府志

卷之五十 拾遺

三十一

懼狀獐主乃不疑穎詮輩說法勸諭獐人悅擁衆出  
降惇奏凱賜名報恩特免本寺諸科差役  
米芾元豐元年同廣惠道人至長沙手勒北海碑石  
唐禮部尙書沈傳師書道林寺詩在潭州道林寺四  
絕堂以杉板畧薄布粉不蓋紋故歲久墨不脫至裴  
度書杜甫詩粉多只存一甫字在松板節米元章爲  
杜板行以紀其事沈板某某官潭畱書齋半歲臨學  
後爲摹石僧希白務欲勁快多改落筆端直無縹緲  
縈回飛動之勢

□太宗率更令歐陽□□荀氏漢書節楮冊小楷米

□章云在潭州南楚門外胡世□□  
□意洪在長沙陳瑩中謫合浦時以書抵爲負華嚴  
入嶺有偈曰大士遊方興盡回家山風月絕塵埃杖  
頭多少閑田地挑取華嚴入嶺來惠洪□之曰因□  
相逢一笑開俯看人世過飛埃湘江廟外休分別堂  
寂光中歸去來

張邦昌僭位國號大楚其坐罪始謫昭化軍節度副  
使潭州安置旣抵貶所寓郡中天寧寺寺有平楚樓  
取唐沈傳師目傷平楚虞帝魂之句也朝廷遣殿中  
侍御史馬伸賜死讀詔畢張徘徊退避不忍自盡執

長沙府志

卷之五十

拾遺

三十二

事者趨迫登樓張仰首覩三字長歎就縊

紹興中洞庭漁人獲一印方僅二寸制甚古紐有連  
環四兩兩相貫上有一大環總之蓋所以佩也漁者  
以爲金競而訟於官辨其文乃壽亭侯印四字關公  
嘗封爲漢壽亭侯人疑必公佩也遂畱長沙官庫守  
庫吏見印上時有光焰回白於官乃遣人送荆門關  
公祠中光怪遂絕淳熙四年玉泉寺僧眞慈將獻之  
東宮印已函而未發忽光焰四起衆皆驚愕遂不復  
獻

□□南竄道中市食飲之類問知□氏皆不昔□至



民間謠曰馬去也不用□齧牙過今年其後邊□入  
長沙盡俘諸馬而鎬亦爲王逵所逐言是歲亦爲潘  
叔所殺

馬氏末年天冊閣爲天火焚朗州寺此夜聞空中呵  
言迴避天冊閣來雲中若千萬人舁荷重物累日潭  
州方火

湖南馬氏作會春園開宴徐東野作詩有數聯爲當  
時所稱云珠璣影冷偏粘草蘭麝香濃却損花山色  
遠□螺黛雨草梢春蔓麝香風衰蘭寂寞含愁綠小  
杏妖嬈弄色紅

長沙府志

卷之五十

拾遺

二十三

河南馬武穆王巡邊回至洞庭春江口暴風忽作波  
如連山見水中蛟螭出没雲霧昏濛有如武夫執戈  
戟者文吏具襪簡者捧盤盃者徘徊伺候閃爍睚眦  
左右大駭衣服器皿悉投之舟人欲以姬妾爲請王  
不聽移時風定僅獲存焉數年王薨

湖南馬希範入貢唐莊宗問洞庭湖廣狹希範對曰  
□駕南巡止可飲馬

馬希範作殿刻沉香爲龍飾以金寶抱柱相向希□  
□中□頭角長丈餘以象龍角諸院王子□從□□  
□□之道未嘗畱意時謂之酒囊飯袋

□元亮馬氏時湖湘宰退居長沙門常有客宴會□  
盧日人目爲閹侯

處士戴偃賢而有才因馬王希範奢淫無禮作漁父  
詩諷之範致之死麾下將丁思覲上書諫器度不廣  
削其官後馬氏公子八百人皆襲爲奢汪邑鄧翁曰  
不畱心文武之道而甘侈縱喪無日矣時童謠云鞭  
打馬馬急走果周將邊鎬伐馬諸公子胥餒死  
周行逢命何景山爲益陽令強取民家婦景山曰卑  
吏無他蓋存恤孤寡行逢曰何不寬其賦稅免其徭  
役反置之於家於理安乎戲謂僚吏曰不如令佐海

長沙府志

卷之五十

拾遺

二十四

龍王去遂投於江

周行逢鎮湖湘兵將積功官至王公者千數行逢生  
日諸道各遣使致賀行逢有矜色謂徐仲雅曰四鄰  
乃亦畏我乎對曰侍中境內彌天太保徧地司空四  
鄰那得不畏

江南邊鎬初生其父忽夢謝靈運持刺來謁自稱前  
永嘉守修髯秀彩骨清神竦所披衣巾輕若烟霧旦  
欲託君爲父子須寄浙西飛來峰番譯金剛經然其  
經流分中有未合佛昌處願寄君家刊正無他祝□  
勿以□羶嚴我鎬小宇康樂成童聰□好文字盡□

夙誦後嗣主璟愛其博雅累用之然柔懦寡斷□□  
釋氏初從軍平建州凡所克捷惟務全活建人德之  
號爲邊羅漢及克湘潭鎬爲統軍諸將欲縱掠獨鎬  
不允軍入其城巷不改市潭人益嘉之謂之邊菩薩  
反帥於潭政出多門絕無威斷惟事僧佛楚人失望  
謂之邊和尚

龐巨昭善星緯學唐末爲容州刺史惡劉隱戕虐乃  
歸長沙或問湖南淮南國祚長短巨昭曰吾入境來  
聞童謠曰三羊五馬馬子離羣羊子無舍自今以後  
馬生當五楊主當三後皆如其言

長沙府志

卷之五十

拾遺

二十五

周行逢疾革謂其子保權曰麾下將校兇狠難制者  
惟衡州張文表耳吾死後此人必叛萬一不可敵當  
舉族北歸無使骨肉落虎狼口言訖而逝數月文表  
果叛舉舟師順流而下以襲長沙時行軍司馬廖簡  
知畱後事方與軍吏聚會有報文表至簡素輕殊不  
介意謂軍吏曰黃口小兒到郎擒之何憂乎伐鼓飲  
洒如初是晚文表入城麾軍直至會所簡已醉不能  
發弓矢惟按膝作氣而已文表親以戈戮之座間遇  
害者數十人時保權年方十三英爽有膽氣聞叛□  
□曰先君可謂知人矣僕雖無能安可使軍國落□□

□乎遞命部將楊師璠率萬餘衆討之及師璠將行親出餞送泣對三軍曰先君薨背墳土未乾而克賦□逆實保權不孝所致安敢勞於諸君幸以先君之故無忘戮力苟滅此賊於地下足矣各希勉之吐氣發言義形於色三軍無不感激然保權猶慮其敗且馳表乞師未逾旬帥璠大破文表於亭津梟其首餘黨皆戮

天祐中惟師圍武昌杜洪中令乞師於梁主梁與荆方睦乃諷中令成汭帥兵救之汭欲親征乃造巨艦一艘號曰和州載又有齊山截海之名飾非拒諫斷

長沙府志

卷之五十

拾遺

二十六

自己意幕僚俛仰不措一詞惟孔目楊原贊成之舟次君山下爲吳師縱燎而焚之汭竟溺死兵士潰故先事成改名曰汭字卽水內也水內之死非前兆子湖南及朗州軍入江陵俘載軍前諸掌伎及僧道各官並歸長沙和州之說亦前定矣

小東長沙妓人以能詩得幸馬氏後國入爲郡窮於京師里而人不知言及長沙官中事南望流涕而已長沙霧陽鄉古大陽市舊官道有石碑高六七尺□刻儀制合大陽堠六大字□刻賤避□小避辰□□重去避來十二小字考事物紀原宋太□興□□□

王世則長沙人冠歲辭親入南嶽讀書其父遣之二千居數年還家寧親既而出二千封識如故明年狀元及第

崇寧元年某某粥罷昏睡夢中忽作一詩既覺輒能記之曰無奈東風試怒號共乘一葉傲驚濤不知兩岸人皆愕但覺中流笑語高三月七日與陳瑩中濟湘江是日大風當斷渡而瑩中必欲宿道林小舟掀舞向浪中兩岸聚觀膽落而瑩中笑聲愈高因細繹夢中詩以語瑩中瑩中云此段公案三十年後大行叢林也

長沙府志

卷之五十

拾遺

二十八

劉商少遊湘中秋月方皎忽見一畫輿中有七八女子瓌麗容止若爲呼盧戲其具俱布希世之寶前有紅蠟枝擎以金盤商駭訝未絕聞舟中語曰紫陽真人昨給劉商黃精二斤乃玉帝所餌之餘食者爲地仙一女子曰此人不遠可邀致之忽聞人呼商遂卽丹邊拜一女子命侍兒楊孟珠斟一杯雲母漿商取飲一女子笑曰此人不仙者無丹元氣耳

張拱之江陵人政和中夢白衣人拜牀下旋入地命僕掘其處得大銀二十錠一一花書之藏諸□□□□□□別云欲往長沙助趙官人造宅旦發□□□□

矣往長沙訪之善化縣旁果有趙宅方興工創大第張乃謁之謂趙曰君家治地時於土中獲何物云得白金千兩張乃話前夢以他銀易之攜歸寘於牀足入夜常聞泣聲後不知所之

呂誨端孫爲御史直言正色傾動朝野以言事出知安州進士朱明復登第自湖北渡湘江道見吏卒數百人前導次見公跨玉角青鹿左右皆青衣童明復雅與公善乃降騎拜曰公何之也公其已仙乎公笑曰吾侍上帝南遊不得叙衷曲口占一篇爲別

鄒浩以直諍忤章惇數被謫南遷時投宿嶽麓寺故

長沙府志

卷之五十

拾遺

二十九

今嶽麓有道鄉臺按宋史紹聖中溫益知潭州鄒浩南遷道過潭暮宿村家益遣州都監將數卒夜出城逼使登舟凌風絕江而去據此是宿嶽麓亦不容非止驅迫渡江也後人感其事作臺以寄仰止之思云文瑩至長沙首訪故國馬氏天策府諸學生所著文章擅其名者惟徐東野李宏高爾遂得東野詩浮脆輕艷皆鉛華歌舞媚一時樽俎爾其句不過牡丹□醉蘭蕙春悲霞宮口城剪紅刻翠而已獨江處士□篇庶乎可採曰門在松陰裏山僧幾度過藥□九□大碁妙子無多薄霧籠寒徑殘風戀綠蘿金烏□□

□□幾奈君何又得□高□文十卷皆摘章繪句□  
齷齪者亦能道信乎文之難也

宋淳熙中南嶽廟火詔潭州湘潭令薛大圭督修缺  
正殿梁或言境內白馬大王廟有巨杉五丈徑六七  
尺但神獐無敢取薛令具文牒遣尉焚廟下領匠百  
人厲斤斧至見長蛇蟠樹根匠石股栗薛親詣致牲  
敬禱取杯琰卜之吉於是百斧並下樹杪鏘然如鈎  
戟聲斧瘡汁出如血樹旣斷反騰空不墮薛復白神  
方仆還謁神像遍體折裂不知其爲蛇爲樹爲神也  
乾道中善化余生妻唐氏邀鄰婦郊行飲苦竹郎君

長沙府志

卷之五十

拾遺

三十

廟側茅店酒罷謁廟唐氏見土偶素衣美容悅之瞻  
玩良久還家思念因如廁望見一少年張青蓋來絕  
類廟中像相與入房共寢遂有妊過期不產夫怪之  
婦浸苦腸脹楚痛不可忍始自述其故尋腹裂出黃  
水數斗而死  
章惇梅山亭二詩筆甚遒勁似不可以人廢言但首  
章稱熙寧天子之聖追神堯而陋漢武次章自序其  
績一則曰臣燁入奏陳地圖再則曰臣惇專持使今  
卓小人面目盡露矣舊志列於藝文不知與濂溪□  
作何分別也

於詬罵無所不道州縣吏爲驅逐稍息京於轎中獨  
歎曰京失人心一至於此至潭州作詞曰八十一年  
住世四千里外無家如今流落向天涯夢到瑤池闕  
下玉殿五回命湘彤庭幾度宣麻止因貪此戀榮華  
便有如今事世後數月卒門人呂川卞老釀錢葬之  
長沙茶具精妙甲天下每副用白金三百星或五百  
星凡茶之具悉備外則以大縷銀合貯之趙南仲丞  
相帥潭日嘗以黃金千兩爲之以進上方穆陵大喜  
蓋內院之上所不能爲也

淳熙初李壽翁守長沙九頭鳥以中夜鳴噪惡之揭

長沙府志

卷之五十

拾遺

三十三

榜募能捕者一則與錢十千飛虎營兵用手弩射之  
中其腹而墜持詣府身圓如箕十脰環簇其九有頭  
其一獨缺而鮮血點滴一脰各生兩翅飛時十八翼  
霍霍而動所向不同更相爭拗用力競進而翹翮有  
傷折者至今此種猶存土人多擊門吠犬以逐之  
楊么據洞庭出没不測岳忠武飛討之偶獲一僕者  
問其巢穴對曰險阻安可入惟飛乃能入耳忠武□  
口天遣汝爲此言吾必破之後果如其言  
岳武穆董師過茶陵赤□向有冬青樹大數尺橫生  
□道過者難之武穆師至之女忽白隨立



辛次膺紹興中爲湖南提刑舟至武昌大將岳侯於江亭通謁辛見之郎以明日具食旣宴延辛入小閣執手曰前夕夢爲棘寺逮對獄獄吏曰辛中丞被旨推勘驚悟而津吏報君至他日飛或不幸下獄願公救護之後數年秦檜刼飛故部將王貴誣告其謀叛擊大理獄新除御史中丞何鑄治其事方悟昨夢乃新中丞也

相鄉王容淳熙癸酉赴省試首過袁州禱邱山神夜宿州東旅舍夢人歌玉樓春纔半闋云玉堂此處春風暖正飛絮馬前撩亂嫦娥剪就綠羅衣付來到蟾

長沙府志

卷之五十

拾遺

三十四

宮與換後狀元及第

宋制南省下第至五鄉試不第特奏名同學究出身故長沙舊志無鄉舉錄

義娼者長沙人善謳尤喜秦少游樂府每手書吟詠不置久之少游坐鉤黨南遷道長沙訪潭妓籍可與言詩者或言娟遂往焉坐語間見几上文視之皆己詞因詰之得其情乃戲曰若見其人如何娼歎曰使得見秦學士雖爲之妾御死復何恨已而知爲少游大驚懼起敬將別囑曰妾誓潔身以報他日北歸幸一過妾願畢矣因閉門謝客別數年少游卒於滕娼

忽夢少游來別驚泣曰秦死乎亟遣僕覘之得訃□  
衰服以赴拊棺繞之二周舉聲號哭極慟擗膺嗌吭  
而絕  
撫□晏文正在太學時出市遇驟雨忽一人擎黃傘  
覆之曰送相公回學晏恐犯法却之其人曰無憂也  
晏疾行回學令候於門取錢謝之人忽不見時市人  
見晏冒雨不沾體怪之至寶歷間宰長沙至一廟見  
一豨是擊員傘儼然當日執蓋者也

吳獵字德夫潭州人孝宗末年宰相奏試館職上云  
可與遠方二人遂與項安世同用後爲四川宣慰使

長沙府志

卷之五十

拾遺

三十五

吳曦變安世有復蜀之功聲勢赫赫德夫平時輕財  
重義適誕日安餽玉帶一條值數千緡與幕屬宴育  
一客云安相公玉帶可得觀否德夫發匣而示之客  
撫之良久德夫取酒來舉帶爲客壽客聞之始服其  
量歸自蜀至歸峽間泊舟呼其主祭者可具隨行信  
匣數來近得四千枚乃與諸客言某入蜀之初諸處  
致餽本不欲受恐以某絕物受之未嘗啓封行歸田  
里何以見親舊四方書來或從婚葬見告某未有以  
應之□得策矣呼書吏來寫掩帖某人幾掩幾匣俱  
不必問其物亦睹采耳弟道夫至首詢其兄出蜀何

以伏臘計德夫舉餘掩匣與之

晦翁帥潭一曰得趙丞相簡已立嘉王爲上當首以經筵召公晦翁藏簡袖中竟入獄取大囚十八人立斬之纔畢而登極赦至翁恐赦至而大惡脫網也

胡文定墓在湘潭隱山李宗伯湘潭志考之甚詳今承天當陽縣亦有文定墓不知何據立祠表道在湘潭者封樹寂然嘗攷眞文忠守潭有祭文定致堂茅堂五峯四公墓文其在郡境無疑也

劉宗源小字太郎茶陵馬頭鄉人乾道元年以義兵破郴寇李金黨二十餘萬淳熙乙未於北湖塘對敵

長沙府志

卷之五十

拾遺

三十六

陣亡自持其首跨馬仗劍還至其家馬嘶三聲而仆州將上其事詔贈保義郎立廟於鄉號太郎廟

宋有道人力員者自言當化生茶陵譚氏譚果生子子能言父欲命之名曰我名力員父驚訝遂合而各之曰勛樂周人急人呼長者子世選進士世長從胡澹菴學春秋

格古論曰城南書院四大字臨相門三字俱張紫巖得意之筆

□□忠孝廉節四大字晦翁親筆

善化學明倫堂三字朱晦翁親筆今存

宋理宗初署邵州防禦入繼大統邵州卽寶慶當爲防禦時始長沙爲鍾尙書親書仙巢吹香亭五字題趙宣慰門聯

胡致堂寅侍郎英風勁氣當章蔡弄權汪黃誤國擯嶺海還侍父著書遺化在湖南

胡茆堂寧祠部著通旨折權臣高風與父兄齊

胡五峯宏上承家學玩心神明優游自得抱道以終至今湖湘猶仰風範

近世傳奇有長沙太守事託爲賈誼偶有郡人出家藏繕本云宋咸平中郡有太守某仁愛人民年八十

長沙府志

卷之五十

拾遺

三十七

尙無子士民旦夕禱祝踰年侍妾舉一子盡郡之人歡呼傳誦云八十老翁生一哇笑殺長沙十萬家太守聞其言訝之至晚微行遍里巷又無不誦此語偶一老嫗疾聲呼衆曰語云不怕天乾只要地潤而□何笑焉太守遂撫掌續之曰果是老夫眞血脈他年仍舊鎮長沙越三十年餘其子果來宦長沙郡人士交相慶喜第歲久逸其名與鄉貫或傳爲宗姓張姓供不可攷

□西山守潭多惠政有諭屬詩文士民卽其地建□  
□之歷百餘年矣明末毀爲兵道守備衙舍

眞西由先生帥長沙時士民爲立生祠祠成有人夜  
題其壁云舉世知公不愛名湘人苦欲置舟青西天  
又出一活佛南極添成兩壽星幾百年方鍾間氣八  
千春願祝長生底須更作生祠記四海蒼生口是銘  
司馬頭陀過長沙歎曰可惜水陸洲江水兩邊流富  
貴無三代清官幾到頭

譚意歌喪親流落長沙八歲寄養竹工張文家官妓  
于婉鄉見其姿艷乃厚貲求售年未笄獨步一時車  
馬如市尤工詩筆會汝州張正字爲潭茶使相得歡  
甚意乃歸之後張調官意餞別曰子本名家我乃娼

長沙府志

卷之五十

拾遺

三十八

類今之分袂決無後期腹有君息數月矣君宜念之  
別後寄詩曰瀟湘江上探春回消盡寒冰落盡梅願  
得兒夫似春色一年一度一歸來張內逼慈親外畏  
物議約孫殿丞女爲媼不敢作書報意後三年張妻  
孫氏謝世有客自長沙來云意掩戶不出買田百畝  
自給親教其子張乃如長沙意不昔見曰子已有室  
室去無挽我張曰吾妻已亡矣意云通媒妁行六口  
乃敢聞命張如其請挈歸京師意閨門有禮法其子  
□進士登第

比邱清傳與一客同入湖南客曰凡雪仙人亦重之

毀與市輩無異真可羞也

長沙故官家有小銅器形如桶可容一合號右軍硯水盂其底內有永和字此必晉人貯水以添硯池者也古人無水滴晨起則磨墨汁盈硯池以供一日用墨盡復磨故有水盂

淳化閣帖既頒行潭州卽模刻二本謂之潭帖趙希鵠見其本當與舊絳帖鴈行至慶歷八年石已殘缺永州僧希白重摹東坡猶嘉其有晉人風度建炎虜騎至長沙守城者以爲砲石無一存者紹興初第三次重摹失真遠矣

長沙府志

卷之五十

拾遺

四十一

易元吉長沙人喜畫獐猿評者謂徐熙以後一人尤善畫草木葉心翎毛皆如生世但以獐猿稱可歎或云畫孝嚴殿壁畫院人妬其能只令畫獐猿竟爲人鳩

長沙富民收水鳥蘆花六幅圖乃唐人手妄題作□偃押字後人題也

武岳長沙人工畫入物尤長於天神星像用筆純熟其子洞清能世其學過父遠甚凡世間星像天神□王等像傳流甚多神妙不俗大抵與我宗元相上下而神采勝之宗元作朝元仙仗□昔藏張君錫家□

歸杭人崔氏儘一匹絹作五帝朝元人物仙仗皆頭相倚大抵如寫草書然亦奇物也

蔣子正山房隨筆云趙淮字靜齋被執於溧陽豐登莊至府辭家廟云祖父有功王室德澤沾及子孫今淮計窮被執誓以一死報君刀鋸置上不問萬折忠義猶存急告先靈速引度幾不辱家門卽登舟去至瓜州被殺又聞其孫享祭淮降筆云生居四代將門家不幸遭逢被敵拏死在瓜州無葬地幽魂夜夜到長沙其兄潛字冰壺自京口遷金陵元兵至棄家而遯南徙不返死葬海傍山上

長沙府志

卷之五十

拾遺

四十二

九歌國殤非關雲長輩不足以當之所謂生爲人傑死爲鬼雄也江鄉淫祠有馬陂大王爲盜者多祀之亦能出爲靈響俗呼殤神必是小人死鬪忿怒之氣不泯而爲厲者也曾三異母十六七時避盜山間一民家與其婦女處於屋後小室間坐忽覺簷間有聲如蝙蝠者曾母先聞之而其家婦女未聞也有頃聲稍疾大其婦倉皇出門仰視之叩齒而言曰待夫叫丈夫漢歸曾母亦隨之到門外仰視□彷彿見空中有黑影如蝴蝶狀散去問婦人何故如此應曰神道心亦不知爲異數日後盜息歸家以告長上方知其

人掘之深數尺有一白雀飛出止於庭樹其下獲□  
至百萬錢盡白雀乃去不知所之

湖南好事妖神殺人以祭儒生爲上僧爲次餘人爲  
下有儒生行柳連道中日暮耕者曰前有猛獸不宜  
夜行此林下有居可以託宿生入一荒徑忍見高門  
大第主人延入殺饌豐美既夕有婦人出甚妍生□  
之忻然而就畱連數日情意欸□私曰是夜將殺子  
以祭鬼我亦良家子女爲其所劫遣妾侍君欲綴君  
心耳及夜穴壁與婦同出比明行四十里投近縣縣  
□吏捕之盡得奸狀前後被殺者數十人指途耕者

長沙府志

卷之五十

拾遺

四十五

乃其黨也皆伏法生用賞得官與婦

宋元時文廟聖賢皆塑像以祀至明成化時議毀像  
易以木主安化閔子騫像獨春相傳醫官鄧學書祈  
嗣迎祀於家得不毀未幾果生子甚穎異且傳其果  
報甚奇今其像特祀文昌閣內

周琬湘中人艤舟長沙夢二吏引入南嶽廟內殿王  
起接謂曰知入京銓選欲奉辟在此亦與人世之□  
不殊琬曰名宦未達且欲赴銓王曰如此則不敢□  
縻也乃作詩送琬曰住此旣非樂捨此去何圖□□  
青氊事惟畱一角書至京調中牟尉忽曰□□□□



□不□作妻子書一角封畢而卒

孝順一坊在長沙治右學宮左自今不廢相沿以為黃香故居有井曰黃香井攷香江夏人未嘗居長沙嘗□元時爲翊刺氏建者湘固多蘭香稱王者或井名王香訛音附會耳

元薛制機云有賀自長沙移鎮南昌者啓云夜醉長沙曉行湘水難教檣燕之畱朝飛南浦暮捲西山來聽鳴鸞之舞

尹耕叟府志載入善化鄉賢攷楚紀云郎尹穀字耕叟俱以元兵死難實係一人明載元史今長善各載

長沙府志

卷之五十

拾遺

四十六

鄉賢亦感其節重其人也

楚紀云元定天下楚人仕之者十三人如湘潭宋檢討姜天麟攸州待制馮子振惟燮元圃相潭志稱爲三臺御史不樂仕元惟以山水耕釣自娛讀過錦□嶽亭詩云十載重來一凭闌光陰不改舊江山亭高下□龍藏室天遠遙觀虎拜班耕釣每懷生處樂馳驅未許老來閒雄風入座披襟好靜看漁舟上錦□似亦不盡忘情於仕也

祝永清遊湖湘間泊舟沙際夜聞哀吟明日見□□大書一律云長鯨吹浪海天昏兄弟同時弔屈□□

古不消魚腹恨一家誰識鴈行冤紅粧少婦空臨鏡  
白髮慈親尙倚門最是五更悽絕處一輪明月照雙  
魂

瀏陽有彭和尚能爲偈頌勸人常念佛遇夜燃大炬  
名香念偈拜禮愚民信之其徒遂衆徐本湖南人姿  
狀龐厚無他長生平以販布爲業往來蘄黃間時遇  
彭衆欲爲亂思得其主一日徐於鹽塘水浴衆見其  
身上毫光起皆驚異之遂立爲帝以蘄春反天不響  
應東南遂大亂湖廣江西浙江三省城池多陷沒開  
蓮臺省於蘄春然姿性寬縱權在羣下擁空名耳後

長沙府志

卷之五十

拾遺

四十七

其臣僞漢陳友諒率兵攻臺謀篡位遂死采石  
有客泊湘妃廟前夜半偶不寐見輿衛入廟中置酒  
鼓瑟心悸不敢窺迨明方散隱隱絕水浮空去因入  
廟中見詩四句墨色猶未乾云碧柱紅蘅縹緲香冰  
絲彈月弄新涼峯巒向曉渾相似九處堪疑九斷□  
長沙有朝士某者還鄉意氣滿盈賓至則鼓吹喧□  
里中有執友來謁之朝士曰翁素好誦詩近日誦得  
何詩執友曰近誦得孫鳳洲贈歐陽圭齋之詩□有  
味乃朗然誦之曰圭齋還是舊圭齋不□些兒官□  
回若使他人居二品門前簫鼓鬧如雷朝士聞詩□

然明日賓至門庭寂然

夏忠靖先世德興人大父以官寓湖沔遂家湘陰公德量汪洋人莫測其際時同事有性褊急者嘗書公姓於座右以自警少忘之性如舊嘆曰夏公真不可及也或問公量可學乎公曰某幼時人有犯者未嘗不怒始忍於色中忍於心久則自熟殊不與人較何曾不自學來又曰處有事當如無事處大事當如小事若先自張皇則中便無主矣公薨贈太師國朝輔臣贈大師自公始

夏忠靖嘗得賜古硯冬月僕炙冰破損甚恐公知召

長沙府志

卷之五十

拾遺

四十八

喻之曰受賜不加愛惜吾之罪也遂釋之又嘗於驛中天甚寒驛人偶焚隻襪公知笑曰隻襪何用不責且以其所遺者賜之又詠螭首詩云非龍非亦非羆頭角皆因造化爲不向草茅誇氣象却於廊廟著威儀昂昂飽歷風霜古默默深沉雨露滋寄語高飛諸燕雀好來相近莫相疑人議公太和蓋性度寬大其言如此

夏忠靖與蹇忠定同飲於所契家歸值雪過禁門有不欲下馬者曰雪大寒甚公曰君子不以冥□□□公之盛德雖緣事納忠而其本則在敬慎軒

交皇北征元吉輔皇太孫居守北京兼掌六部都察院事諭曰朕以朝事委卿卿宜盡心時京邑諸司草創公每旦入朝獨近宸前叅決機務退至政事堂上郎官御史抱成案盈廷公日應手判不動聲色北奏行在南啓東宮京師肅然

夏忠靖公德量寬厚喜怒不形永樂間嘗以治水至崑山寓千墩禪寺所居不設儀從鄉民數人入寺遊觀公方坐室中觀書不意其爲夏公也雜坐其旁旣而他之間僧云尚書何在僧云室中觀書者是也民懼爭奔去公好食燭豬肝一日膳夫供具公飯盡而長沙府志

卷之五十

拾遺

四十九

肝如故怪之已而分食乃入鹽多鹹不可食也人服其量

忠靖母廖夢三閭入其室生公永樂間治水蘇松久宋成功有葉宗行者潛奏入朝有旨令公覆命公大驚卽日邀葉親迎階下曰誠如先生言受命多矣未幾薦葉爲錢塘知縣後公奏績曰是葉促成也給事周大有同事吳中一日偕宿天寧寺給事早如廁甚急公戲之曰披衣鞞履而行急事急事周郎應聲曰棄甲曳兵而走常輸常輸時□善謔後周卒於卧□□公爲棺斂而歸之

明初歲貢有進呈者以積分 旨准貢舉入國學如  
湘陰夏忠靖寧鄉歐彥貴後不行近崇禎寧鄉陶汝  
鼎又奉特旨

陶公祠自晉至明俎豆勿替宏治中邑令以其地大  
廣析其半與一貧孝廉爲居方釘匾於門大風碎匾  
孝廉懼郎還之嘉靖間改爲惜陰書院增堂樓號舍  
祠公於中萬歷三十九年推官陳大繡改爲公館毀  
堂樓號舍爲往來宦使居宿處使婦女僕從雜穢之  
所稱重祀典而尊往哲者應如是耶今重建

李南公知長沙縣有鬪者甲強乙弱各有青赤召使

長沙府志

卷之五十

拾遺

五十

前目以指捏之曰乙真甲僞也詰之果服蓋南方有  
檉柳以葉塗膚則青赤如毆傷者剝以皮橫置膚上  
以火熨之則如掙傷者水洗不落南公曰毆傷者血  
聚內硬僞者不然故知之有一村多豪戶稅不可督  
所差戶長輒逃去南公曰然則此村無用戶長知縣  
自督之書其村名帖於柱豪右皆懼是歲初限未滿  
此村稅最先集又諸村多詭名村存戶亡每歲戶長  
代納亦不可差南公悉召其村豪右謂之曰此田不  
過汝曹所典賣耳與汝期一月爲我推究不則汝口  
均分趣之及期盡得冒租之人使各承其稅

郡刑曹郎吳寶忠確凜□法司理令調人臧慝月餘  
□報司理促之曰耳目何人恐滋影陷寧自貽戾耳  
司理怒甚適有十齡兒將以盜死復泣請曰稚子乳  
臭渠能盜耶司理愈怒遂之出明日感其端厚召綜  
稽課程有以例餽者峻却之司理遷秩語人曰功曹  
如某多隱德食報必隆顯寶聞益遜謝退處惟務農  
課子  
老君巖在茶陵州宏治間好事者以鐵鑄老君像欲  
置其中山險像重不能舉忽有四青衣人自山下來  
遂舁以入

長沙府志

卷之五十

拾遺

五十三

雲陽子閩中人郎州守林君紹用也丙戌進七釋褐  
爲茶陵守時方弱冠赴任三日適郡道經雲陽山□  
中見二力士中道迎謁意惡之引佩刀相擊遂還自  
斷其喉舁至署謂僚佐曰吾雲陽仙子也有過謫人  
世今數已滿吾將返歸耳言畢交還印綬而沒其家  
人於書篋中得石印一文曰雲陽子乃業槧鉛時所  
鑄者益信其前定云

李文正東陽父淳操小舟爲業遇貧者多不索錢人  
咸德之一日遇一老叟曰爾有陰德吾告爾善地□  
□食厚報遂指一穴曰此狐眠處甚嘉淳如所□

見一狐穩卧驚而去之以營壙葬乃謝老叟叟曰不當驚狐俟其自起乃更吉爾後當中衰然而子不失三公矣宏治間西涯果爲首相

陸式齋容在成化時畱滯即署最久其遷職方也李文正戲之曰先生其知幾乎曷爲又入職方也式齋應聲曰太史非附熱者奈何只管翰林耶

李文正舉神童入朝不能踰門限帝曰神童足短曰天子門高帝置之膝上時父伏丹陛帝曰子坐父立禮乎曰嫂溺叔援權也

李文正與程敏政同以神童召入適立廟食蠲出語長沙府志

卷之五十 拾遺

五十四

命對曰螭蠃一身甲冑李對曰蜘蛛滿腹絲綸程曰鳳皇徧體文章帝曰他日一箇宰相一箇翰林後皆駢

宏治中 成一作化 夷使入朝以一偶語請館伴對曰朝無相邊無將玉帛 氣一作數 相將典客不能對李文正教以

對曰天難度地難量乾坤度量夷使媿服

李文正居翰林時會失朝有罰翰林舊有語云一生事業惟公會半世功名失早廟所謂清逸無他口也西涯續兩句云更有運灰并運炭貴人身上不曾口座闕然

李文正事父極孝□位至公孤周旋承順畧不少□公飲酒不多然遇酒便聯句或對弈則忘倦嘗中夜飲酒歸其翁猶候之文正愧悔自是赴席誓不見燭將日晡必先告歸此爲人子者所當効也

宏治初湖廣彭民望任教職有學而老貧謁故友於京不遇回李文正以詩寄云斫地哀歌興未闌歸來長鋏尚須彈秋風布褐衣猶短夜雨江湖夢亦寒木葉下時驚歲晚人情閱盡見交難長安旅食淹畱地慚愧先生苜蓿盤彭讀之潛然淚下

李文正當國時門生滿朝西涯性喜延納獎拔故門

長沙府志

卷之五十 拾遺

五十五

生朝罷羣集其家講藝談文率以爲常一日有一門生告歸省兼養病還家西涯集同門餞之郎席賦詩爲贈汪石潭俊詩先成中一聯云千年芝草供靈藥五色流泉洗道機諸人傳翫以爲絕唱呈稿西涯西涯抹後一句令石潭重改衆愕然石潭思之亦不能復綴衆請於西涯曰吾輩以爲抑之此詩絕佳不知何故猶未善西涯曰歸省與養病是二事今單說養病不及歸省便是舍盤衆請西涯續之西涯郎援筆曰五色宮袍當舞□衆歎服

李文正與客聯句□燭盡當拆敝褥中故絮以代其



隨□人於□戾矣兵各以爲戒

墨池浪語云李西涯得趣於頌西涯其詩中之洞□乎或謂西涯古樂府爲詩史一洗宋元之弱正統間朝廷敕一邊將本左軍都督府之職而誤寫右軍邊職奉勅其疏請於何府支俸疏下內閣召武選吏事喚邊將至衆皆詰其請勅手本之誤欲罪之惟東陽先生曰鄭主事你何出身對曰生曾與會試東陽曰然則豈不解王言如絲其出如綸乎勅書□云右府郎令於右府帶俸何誤之辨衆釋然時謂得□蓋東陽見□敏捷多類此

長沙府志

卷之五十

拾遺

五十七

□陽籟石山又名烏龍山山有龍泉下有烏龍寺里傳萬歷時寺僧元徹有道行素能祈雨與飲賔居士周濟堯善一日僧圓寂目欲瞑濟堯適至祝曰老僧莫向空中去僧應聲曰明年仍佈法雨來嗣後歲旱祈禱里人祀龍湫及僧郎能致雨至今頗有驗云□閭邱編修泳自言往年遊宦湖湘間舟行江上有各子附舟尾至暮吹笛可聽閭邱正飲賞其音命以□勞之未幾闐然有聲甚厲訝而問之皆不對少頃□稍進云某官且聽聲勿復問舟尾橫笛者乃賊也以□此爲號嘯其徒耳適已撲殺矣須臾有一舟□□□

前以爲己有應援則無應之者果詢云吹笛船安有  
舟人皆答已過前去矣俟其過急投岸獲免  
明湘陰女子過某處題壁詩云記得當年別後粧楚  
天一帶水茫茫春容消盡渾間事怕向籬邊摘海棠  
又終年不斷佛前香願祝夫人壽未央那敢專房□  
冠寵開箱惟取舊衣裳見者憐之

水陸寺前有古銀杏樹一株寺毀於兵改革之際諸  
軍教馬於此凡數年樹枝刪芟垂槁牧者屢謀伐之  
癸巳洪公督師撫長有扶傷之仁樹復發榮次年軍  
前文武吏助建其寺蓋與瀉山靈樹從同云瀉山密  
長沙府志

卷之五十 拾遺

五十八

印寺銀杏植於唐開山時視此樹大倍之明未枯而  
復生法亦復振

明末瀏陽黎某家有神女降初僅聞聲後輒現形襍  
坐人叢畧無避忌黎惡其妖延朱法師作符治之朱  
云今夕吾當作法於昇冲觀女必昏仆汝等須斫以  
利刃抵暮女圍爐其坐忽仆地衆持斧擊之倏不見  
翼日復來厲聲罵曰我非有害於人者何故令道士  
咒我我必降禍汝家黎益恐乃召集僧道作七言□  
功德以謝之醮完之夕見女騰身於三丈幡□□□  
揭取令旗詣前致謝曰吾孝女也請命上□□□□